



UKA15/148  
2. oktober 2015  
Múte B. Egede

## **Uunga siunnersuut: Suliffissarsiuussinermut, ilitsersuinermut piginnaangorsaanermullu sullissiviit pillugit Inatsisartut inatsisaat nr. xx, yy 2015.**

(Inuussutissarsiornermut, Suliffeqarnermut Niuernermit Nunanullu Allanut Naalackersuisoq)

Inuiaqatigiittut ukiorpanngortuni unammissutigisartagarput tassaavoq suliffissaaleqineq. Inuusuttuniit inersimasunut (utoqqarnut) atugaavoq.

Suliffissaaleqineq nunatsinni atugaasoq suliniutigineqarnera kommuneniit kommunenut assigiinngitsumik sullissinermik pilersitsisoq ilumoorpoq

Ullumikkut kommuneni iliuuseqarfissatut iliuutsit amerlisimalerput

Kommunenit qisuariaatit amerlaqaat. Eqqumiiginartutullu qiviartariaqagaq tassaavoq qanimut suleqatigineruneqarsimannginneri ersermat akissutini. Tassami kommunet namminneq sullitarivaat aammattaaq suleriuseq sullisseriaaserlu ineriartortitaq qulangiinnarneqarpoq.

Inatsisinut atuutereertunut qaleriiaaruteqarnerat, inatsisaalertussanullu atuutitsilernissamut maleruagassaqaarnissaq pingaaruteqarluinnarpoq, tamanna ilaatigut kommuneniit akissuteqaatini ujartorneqarpoq

- “siunnersuummi amigaataasoq inuusuttut suli ilinniakkamik inuussutissarsiummilluunniit aallartitsisimanngitsut sumiiffiit ornillugit ilitsersuisarnissap aaqqissuunneqarnera, tamanna Inatsisartut Ilinniartitaanermut inuussutissarsiutinillu siunnersuisarneq pillugu inatsisaanni nr. 4, 29. november 2013-imeersumi maleruagassiugaamat.”
- ”ikaarsaariarnermut tunngasut maleruagassiorneqarsimanngillat.”
- ”aningaasaqaarnikkut allaffissornikkullu kingunerisassai qularnaarneqassapput.”
- “suliffissarsiuussisarnermi pikkorissaqqinnernilu suliniutit nukittorsarneqarsinnaapput suliassat naammassiniartarnerannut aningaasaliissutit amerlineqarnerisigut.”

Kommuneqarfik Sermersooq assersuutit amerlanerusut taakkartorpaat tusarniaavigineqartut akissutaanni siunnersuut akerliusoraat Inatsiseq § 1. Kommunip susassaqaarfiini aamma siunnersuut akuliunnerusoq eqqortuusoq aaqqissuunneqarikkut. Kommuneqarfik Sermersooq eqqortuusorinngilaa aningaasanik ikilisaanikkut isumaqatigiisummi angusaqaarnissamik isumaqatigiisummut innersuutigalugu sulisussanik naammattunik sulilersitsisoqarsinnaangimmat atorfissaqartinneqartunik.

Taakkunani pissutsini isumaqataavugut .

Assigiiaarnerusumik sullissisinnanissaq qanorpiaq qularnaarneqassanersoq aamma sullissitut ilisimasatsitut unamminartorimmassuk ilinniagaqarlutik sullissinerat qulakkeernissaa ajornakusoortoq, ingammik avinngarusimanerni. Taamaattumik neriutiginarpoq ataatsimiitsitami aammattaaq kommunit qanimut suleqatiginerisigut eqqartorluarneqartariaqartut.

Soorunami anguniakkat tassaassapput nuna tamakkerlugu assigiiaarnerusumik sullissisinnanissaq, tassami imaassanngilaq avinngarusimasuniikkuit annikinnermik sullinneqarnissaa. Angulluinnagassarpullu tassaajuarpoq ilinniarsimasunit sullinneqarneq. Qulakkeerumallugu sullinneqarneq pitsaasuunissaa. Taamatutaaq malitsigisassaa angorusutallu ilagiuartagaat tassaavoq allaffissornikkut marloqiusamik sulinninnissaa. Tamakkunani Naalakkersuisut isumaqatigilluinnarpagut. Nassaarisassarli tassaassaaq kommunenut tulluarsakkamik, suliaanut qarsupisitsinninnissaa, qanimut suleqatiginerisigut suliaq tamannarpiaq pillugu anguniarneqarnissaa.

Taamatut oqaaseqarlunga inuussutissarsiornermut ataatsimiitsitaliamut ingerlateqqippara, neriullunga sukumiisumik peqqissaakkamillu suliaq ingerlanneqarnissaanut.